

PRIJEDLOG

Na osnovu člana 111. stav (2) i člana 168. stav (1) Poslovnika Skupštine Tuzlanskog kantona („Službene novine Tuzlanskog kantona“ br. 13/19 i 5/20), razmatrajući Izvještaj Zakonodavno-pravne komisije Skupštine Tuzlanskog kantona o davanju autentičnog tumačenja odredaba Zakona o visokom obrazovanju, Skupština Tuzlanskog kantona na sjednici održanoj _____.2023. godine, donosi

ZAKLJUČAK

Skupština Tuzlanskog kantona cijeni da zahtjev za davanje autentičnog tumačenja člana 74. stav (6) Zakona o visokom obrazovanju - prečišćeni tekst („Službene novine Tuzlanskog kantona“, br. 21/21, 5/22, 11/22 i 16/22) nije osnovan, jer su odredbe Zakona precizne i jasne.

Skupština Tuzlanskog kantona prihvata Izvještaj Zakonodavno-pravne komisije broj: 02-02-56-7/23 od 20.07.2023. godine i stav iznesen u odgovoru Ministarstva obrazovanja i nauke Tuzlanskog kantona broj: 10/1-30-012948-23 od 22.05.2023. godine, a koje je prihvaćeno i zaključkom Vlade Tuzlanskog kantona broj: 02/1-30-12948/23 od 13.06.2023. godine, i isto će biti dostavljeno podnosiocu zahtjeva.

Bosna i Hercegovina
-Federacija Bosne i Hercegovine-
TUZLANSKI KANTON
Skupština
Broj: 01-02-56- /23
Tuzla, _____.2023. godine

Predsjednik
Skupštine Tuzlanskog kantona
Žarko Vujović

Na osnovu člana 36. stav 1. tačka f) Poslovnika Skupštine Tuzlanskog kantona („Službene novine Tuzlanskog kantona“, br. 13/19 i 5/20) i člana 21. stav 4. Poslovnika o radu Zakonodavno-pravne komisije Skupštine Tuzlanskog kantona (broj: 02-02-667-4/03 od 24.11.2003. godine i broj: 02-02-667-7/03 od 02.04.2015. godine), Zakonodavno-pravna komisija održala je sjednicu 20.07.2023. godine, te Skupštini Tuzlanskog kantona podnosi

IZVJEŠTAJ

Zakonodavno-pravna komisija Skupštine Tuzlanskog kantona je razmotrila zahtjev Emine Goletić za autentično tumačenje člana 74. stav (6) Zakona o visokom obrazovanju - prečišćeni tekst („Službene novine Tuzlanskog kantona“, br. 21/21, 5/22, 11/22 i 16/22), te je prihvatila stav iznesen u odgovoru Ministarstva obrazovanja i nauke Tuzlanskog kantona broj: 10/1-30-012948-23 od 22.05.2023. godine, a koji je prihvaćen i Zaključkom Vlade Tuzlanskog kantona broj: 02/1-30-12948/23 od 13.06.2023. godine.

Komisija je ocijenila da nema osnova za davanje autentičnog tumačenja, jer su odredbe člana 74. stav (6) Zakona o visokom obrazovanju - prečišćeni tekst („Službene novine Tuzlanskog kantona“, br. 21/21, 5/22, 11/22 i 16/22) precizne i jasne.

Imajući u vidu izneseno, Zakonodavno-pravna komisija predlaže Skupštini Tuzlanskog kantona da prihvati ovaj izvještaj i podnosiocu zahtjeva za autentično tumačenje odredaba Zakona o visokom obrazovanju dostavi navedeno mišljenje Ministarstva obrazovanja i nauke Tuzlanskog kantona, u kojem je sadržan odgovor na postavljeno pitanje.

Bosna i Hercegovina
-Federacija Bosne i Hercegovine-
TUZLANSKI KANTON
SKUPŠTINA
- Zakonodavno-pravna komisija-
Broj: 02-02-56-7/23
Tuzla, 20.07.2023. godine



Predsjednica
Zakonodavno-pravne komisije

Jasmina Lugavić



**ZAKONODAVNO – PRAVNA KOMISIJA
SKUŠTINE TUZLANSKOG KANTONA**

**Broj: 02/3- 30- 12948/23
Tuzla, 14.06.2023. godine**

OPŠTINA TUZLANSKOG K.
T U Z L A

PRIMLJENO: 16.6.2023.			
Org.jed.	Klasif.oznaka	Redni broj	Br. priloga
02	02	56-6/23	8

PREDMET: Mišljenje, dostavlja se

U prilogu akta dostavljamo Vam Mišljenje Ministarstva obrazovanja i nauke broj: 10/1-30-012948/23 od 22.05.2023. godine u vezi sa zahtjevom za tumačenje člana 74. stav (6) Zakona o visokom obrazovanju - prečišćeni tekst („Službene novine Tuzlanskog kantona“, br. 21/21, 5/22, 11/22 i 16/22).

S poštovanjem,

DOSTAVITI:

- 1 x Zakonodavno – pravnoj komisiji Skupštine TK
- 1 x Evidenciji
- 1 x a/a

SEKRETAR VLADE
Enver Čosićkić

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1- 30 - 12 948 / 23
Tuzla, 13.06.2023. godine

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 13.06.2023. godine, donosi

ZAKLJUČAK

I

Prihvata se Mišljenje Ministarstva obrazovanja i nauke broj: 10/1-30-012948/23 od 22.05.2023. godine u vezi sa zahtjevom za tumačenje člana 74. stav (6) Zakona o visokom obrazovanju - prečišćeni tekst („Službene novine Tuzlanskog kantona“, br. 21/21, 5/22, 11/22 i 16/22).

II

Mišljenje iz tačke I ovog Zaključka uputit će se Zakonodavno-pravnoj komisiji Skupštine Tuzlanskog kantona.

DOSTAVITI:

- 1 x Zakonodavno-pravnoj komisiji
Skupštine Tuzlanskog kantona
- 1 x Ministarstvu obrazovanja i nauke
- 1 x Evidenciji
- 1 x a/a





Broj: 10/1-30-012,948 -23
Tuzla, 22.05.2023. godine

TUZLANSKI KANTON
VLADA

PREDMET: Mišljenje, dostavlja se,-

Veza: Vaš akt broj: 02/2-34-9956/23 od 27.04.2023. godine

Aktom, broj i datum iz veze, dostavili ste na uvid i dalje postupanje dopis Zakonodavno – pravne komisije Skupštine Tuzlanskog kantona broj: 02-02-56-3/23 od 24.04.2023. godine u vezi sa zahtjevom Goletić Emine iz Živinica na davanje autentičnog tumačenja člana 74. stav (6) Zakona o visokom obrazovanju – prečišćeni tekst („Službenene novine Tuzlanskog kantona“ broj: 21/21, 5/22, 11/22 i 16/22, u daljem tekstu: Zakon).

Uvidom i predmetni zahtjev imenovane, uvrđeno je da je ista između ostalog tražila autentično tumačenje člana 74. stav (6) Zakona, tačnije na ispunjavanje kojih „uslova“ se ovaj član odnosi, a koje viši asistent treba da stekne?

Odredbama člana 74. stav (6) Zakona, decidno je propisano „Ako nije stekao uslove za izbor u više zvanje višem asistentu će se, na njegov zahtjev, period na koji je izabran produžiti za pet godina“. Odredbom člana 81. propisani su uslovi za izbor u umjetničko-nastavna zvanja. Tako je odredbom člana 81. tačka c) propisano „Minimalni uslovi za izbor u umjetničko-nastavna zvanja, u koja se bira akademsko osoblje na studijskim profilima na univerzitetu su: docent: završen stepen najmanje prvog ciklusa, veći broj javno predstavljenih oblika umjetničkog stvaralaštva i rezultati u nastavnom radu“.

Shodno navedenom, mišljenja smo da se pod uslovima neophodnom za izbor u više zvanje iz člana 74. stav (6) Zakona, kada su u pitanju umjetničko-nastavna zvanja, smatraju uslovi koji su definisani odredbama člana 81. Zakona.

S poštovanjem,

DOSTAVITI:

1 x Naslovu

1 x evidencija

1 x arhiva

ED/AM



MINISTAR

dr. sci. Ahmed Omerović
dr. sci. Ahmed Omerović

PRIMLJENO: 27.1.2023			
Org.jed.	Klasif.oznaka	Redni broj	Br. priloga
02	02	56-1/23	3

SKUPŠTINA VLADE TUZLANSKOG KANTONA

Komisija za obrazovanje i nauku

Ul.Roze Hadživuković br.1.,75270 Tuzla

e-mail:skupstinatk@bih.net.ba

Emina Goletić MA, viši asistent ADU Tuzla

Ul. 25. Novembar br.5, 75270 Živinice

e-mail: emina.goletic@untz.ba

mob. 061/681-062

PREDMET: Zahtjev za davanje autentičnog tumačenja odredbe Zakona o visokom obrazovanju TK

Poštovani,

Članom 74.stav (6) Zakona o visokom obrazovanju TK, a u smislu Perioda na koji se bira akademsko osoblje, naznačeno je:

Ako nije stekao uslove za izbor u više zvanje višem asistentu će se, na njegov zahtjev, period na koji je izabran produžiti na pet godina.

Naime kao Zlatnom studentu Univerziteta u Tuzli otvorila mi se mogućnost da nakon što sam bila angažovana kao demonstrator na stručno-umjetničkim predmetima Akademije dramskih umjetnosti, stupim i u radni odnos na Univerzitetu u Tuzli, u kojem sam više od petnaest godina. Od toga sam u izbornom zvanju višeg asistenta dvanaest godina. Iako je Komisija za izbor u zvanje još 2016. godine utvrdila da Emina Goletić, viši asistent ispunjavaju sve uslove da bude izabrana u zvanje docenta, zbog manjka sati na oblasti „Gluma“ na koju sam birana, Odlukom Senata 2016. reizabrana sam u isto zvanje. Isto se ponovilo i 2021. godine, pa sam nakon još pet godina čekanja, ponovo, po istom osnovu, iako sam ispunjavala uslove za napredovanje, reizabrana u zvanje višeg asistenta. Iako se ovakva praksa direktno kosi sa Članom 74. stav (7) Zakona o visokom obrazovanju TK „Visokoškolska ustanova je dužna sačiniti program mjera za stvaranje uslova u svrhu napredovanja akademskog osoblja“. Nakon dvanaest godina institucionalne nebrige, da se konkretnim aktivnostima stvore uslovi u svrhu napredovanja akademskog kadra koje je u radnom odnosu, i nakon što su svi nadležni koji bi morali voditi brigu kako o kriterijima koji se nameću akademskom osoblju za izbor u sva zvanja, jasno naznačena Zakonom i Statutom, koje bi trebalo ispuniti u određenom izbornom periodu da bi stekli uslov da napreduju, tako bi morali podjednako voditi sistemsku brigu o preventivnim mjerama za stvaranje uslova u svrhu napredovanja tog istog akademskog osoblja, onako kako je i Zakonom i Statutom određeno. Raspoloživost broja sati je sistemska kategorija koju diktira više različitih faktora, samo ne akademsko osoblje. Tako da za o(ne)mogućavanje napredovanja, niti Zakonom niti Statutom, nije naznačeno u množini AKO SE NISU STEKLI uslovi za


izbor u više zvanje višem asistentu će se, na njegov zahtjev, period na koji je izabran produžiti na pet godina; jer da jeste, takvom formulacijom bi se jasno iskazalo da pored Člana 81. Zakona o visokom obrazovanju TK, a tiče se Uslova za izbor u umjetničko-nastavna zvanja, viši asistent bi morao pored ovih, steći i još neke uslove. Odredba koju pominjem navedena kako jeste u jedini „AKO NIJE STEKAO uslove za izbor u više zvanje višem asistentu će se, na njegov zahtjev, period na koji je izabran produžiti na pet godina“, jasno definira da sve uslove koje viši asistent može steći su upravo oni iz Člana 81. Zakona o visokom obrazovanju TK, a tiče se Uslova za izbor u umjetničko-nastavna zvanja. Također sumnjam da bi u duhu Zakona ikada mogla da se nađe neka odredba koja bi terirala status zaposlenika koji iako su ispunili Uslove za izbor iz Člana 81., trebaju još u nedogled čekati AKO SE NISU STEKLI neki drugi uslovi. Obzirom da sam i 2016. kao i 2021.god. oba puta ispunila Uslove za izbor u umjetničko-nastavno zvanje docenta po Članu 81. stav(C), a koji su preda me Zakonom nametnuti, molim Vas da netačna birokratska tumačenja Zakona, ne budu uzrokom proizvoljnosti ičije samovolje u odnosu na dugogodišnje osporavanje napredovanja i nemar po pitanju stvaranja sistemskih uslova zaposlenicima, koja nisu u mojoj ingerenciji da ih ispunim. Iz gorepomenutog je jasno da nije postupano po Zakonu, prosto zbog kontradikcije, da se zaposlenika koji je stekao uslove, dva puta reizabere jer nije stekao uslove. Iako sam Vam se o svom slučaju već jednom obraćala 01.07.2020., na žalost zbog nerješavanja situacije primorana sam apelirati ponovo na Vas.

S tim u vezi Vas molim da date autentično tumačenje Člana 74.stav (6), tačnije na ispunjavanje konkretno kojih „uslova“ se ovaj Član odnosi, a koje viši asistent treba da stekne ?

U prilogu Vam dostavljam Odluke Senata za izbor u zvanje višeg asistenta 2011. i reizbore u iz 2016. i 2021.godine.

S poštovanjem,

podnosilac zahtjeva:


Emina Goletić MA, viši asistent

Tuzla 26.01.2023.

UNIVERZITET U TUZLI
SENAT
Broj: 03-801-1-11.1/21
Tuzla, 12.02.2021. godine

Na osnovu člana 52. stav (1) tačka r), člana 236. stav (1) tačka b) i člana 243. stav (1) tačka d) Statuta Univerziteta u Tuzli, te Prijedloga Umjetničko-nastavnog vijeća Akademije dramskih umjetnosti Univerziteta u Tuzli broj: 02/1-537-1-1/21 od 28.01.2021. godine, Senat Univerziteta na sjednici održanoj 12.02.2021. godine, donio je

ODLUKU o ponovnom izboru kandidata u saradničko zvanje

I

Emina Goletić, viši asistent ponovo se bira u saradničko zvanje višeg asistenta (reizbor) za užu umjetničku oblast „Gluma“ na Akademiji dramskih umjetnosti Univerziteta u Tuzli.

II

Imenovana se bira na period od 5 (pet) godina, a izborni period teče od 25.02.2021. godine.

Obrazloženje

Na Interni konkurs objavljen na oglasnim pločama fakulteta/Akademije i web stranici Univerziteta u Tuzli 31.08.2020. godine za izbor jednog saradnika višeg asistenta za užu umjetničku oblast "Gluma", blagovremeno su se prijavili kandidati, Emina Goletić, MA viši asistent i Irfan Kasumović, MA viši asistent.

Komisija za pripremanje prijedloga za izbor kandidata u saradničko zvanje, imenovana Odlukom Umjetničko-nastavnog vijeća Akademije dramskih umjetnosti broj: 02/9-88-1-3/21 od 29.09.2020. godine, konstatovala je da je Odlukom Senata Univerziteta u Tuzli broj: 03-6205-1-2/20 od 24.12.2020. godine Irfan Kasumović, MA izabran u umjetničko-nastavno zvanje docenta na užu umjetničku oblast "Gluma" te da je podnio Izjavu broj: 02/1-202-1/20 od 14.01.2021. godine, kojom odustaje od prijave na Interni konkurs za izbor u saradničko zvanje viši asistent na užu umjetničku oblast "Gluma" po predmetnom konkursu.

U smislu člana 248. Statuta Univerziteta u Tuzli prema kojem akademsko osoblje ne može istovremeno posjedovati izbor u dva ili više različitih akademskih zvanja, cijeneći činjenicu da je kandidat Irfan Kasumović, MA odustao od prijave, Komisija prijavu imenovanog nije ni razmatrala.

Uvidom u dokumentaciju priloženu uz prijavu, Komisija zaključuje da kandidatkinja Emina Goletić, MA, viši asistent ispunjava sve uslove za ponovni izbor u saradničko zvanje višeg asistenta, zbog čega je i predložila da se imenovana ponovo izabere u saradničko zvanje višeg asistenta za užu umjetničku oblast „Gluma“ na Akademiji dramskih umjetnosti Univerziteta u Tuzli.

Umjetničko-nastavno vijeće Akademije na sjednici održanoj 28.01.2021. godine usvojilo je Izvještaj Komisije i uputilo prijedlog Senatu Univerziteta radi donošenja odluke o ponovnom izboru imenovane.

U obrazloženju Vijeća navodi se da je Komisija za pripremanje prijedloga za izbor pravilno postupila kada prijavu kandidata Irfana Kasumovića, MA nije uzela u razmatranje jer je imenovanu povukao prijavu u toku konkursne procedure. Vijeće je utvrdilo da Emina Goletić, MA, ima stručno zvanje magistar umjetnosti glumac, te da pored toga ima značajan broj javno predstavljenih oblika umjetničkog stvaralaštva, čime ispunjava sve uslove za izbor u saradničko zvanje višeg asistenta za užu umjetničku oblast „Gluma“ u smislu člana 78. stav (1) tačka d) Zakona o visokom obrazovanju i člana 243. stav (1) tačka d) Statuta Univerziteta u Tuzli. U skladu sa tim odredbama, a u vezi sa članom 70. stav 1. tačka e) i članom 71. stav (1) tačka b) Zakona o visokom obrazovanju Umjetničko-

UNIVERZITET U TUZLI
S E N A T
Broj: 03-1090-10.2/11
Tuzla, 23.02.2011. godine

Na osnovu člana 59. stav (1) tačka g) i člana 72. stav (1) tačka b), 78. stav (1) tačka e) Zakona o visokom obrazovanju ("Službene novine Tuzlanskog kantona" broj 8/08, 11/09 i 12/09), člana 75. stav (1) tačka 17) i člana 242. stav (1) alineja 4), člana 246. stav (1) tačka 2) Statuta Univerziteta u Tuzli broj: 03-8409/09 od 21.10.2009. godine i Odluke o izmjenama i dopunama Statuta Univerziteta u Tuzli broj: 03-9035-1/10 od 24.11.2010. godine, Prijedloga Umjetničko-nastavnog vijeća Akademije dramskih umjetnosti broj: 02/1-586/11-1 od 31.01.2011. godine, te prethodnog mišljenja Vijeća Grupacije humanističkih nauka broj: 10/6-985/11 od 10.01.2011. godine, Senat Univerziteta u Tuzli na sjednici održanoj 23.02.2011. godine, donio je

ODLUKU
o izboru kandidata u saradničko zvanje

I

Emina Goletić, asistent, bira se u saradničko zvanje višeg asistenta za užu umjetničku oblast «Gluma» na Akademiji dramskih umjetnosti Univerziteta u Tuzli.

II

Imenovana se bira na period od 5 (pet) godina.

III

Ova Odluka stupa na snagu danom donošenja.

O b r a z l o ž e n j e

Na Interni Konkurs objavljen na oglasnim pločama fakulteta i WEB stranici Univerziteta u Tuzli 31.12.2010. godine za izbor saradnika u zvanje višeg asistenta za užu umjetničku oblast "Gluma" - tri izvršioca, prijavila su se tri kandidata i to: Emina Goletić, asistent, Irfan Kasumović, asistent i Dragan Pirić, asistent.

Komisija za pripremanje prijedloga za izbor kandidata u saradničko zvanje, imenovana Odlukom Umjetničko-nastavnog vijeća Akademije dramskih umjetnosti broj: 02/1-235/11.4 od 17.01.2011. godine, predložila je da se sva tri prijavljena kandidata izaberu u zvanje višeg asistenta za užu umjetničku oblast "Gluma" na Akademiji dramskih umjetnosti Univerziteta u Tuzli.

Umjetničko-nastavno vijeće Akademije na sjednici održanoj 31.01.2011. godine usvojilo je Izvještaj Komisije i uputilo prijedlog Senatu Univerziteta radi donošenja Odluke o izboru.

Senat Univerziteta, uz prethodno pozitivno mišljenje Vijeća Grupacije humanističkih nauka broj: 10/6-985/11 od 10.01.2011. godine, a s obzirom da imenovani ispunjavaju uslove predviđene članom 78. stav (1) tačka e) Zakona o visokom obrazovanju ("Službene novine Tuzlanskog kantona" broj: 8/08, 11/09 i 12/09) i članom 242. stav (1) alineja 4) Statuta Univerziteta u Tuzli, odlučio je kao u dispozitivu ove Odluke.


Pravna pouka: Protiv ove Odluke može se podnijeti zahtjev za preispitivanje Odluke o izboru Senatu Univerziteta u roku od 15 dana od dana njenog prijema.

DOSTAVITI:

- 1x Emina Goletić, viši asistent
- 1x Akademija dramskih umjetnosti
- 1x Ured za nastavu i studentska pitanja
- 1x Služba za ekonomsko-finansijske poslove
- 1x Dosije
- 1x WEB master
- 1x Senat

PREDSJEDNIK SENATA

Prof. dr. sc. Enver Halilović



UNIVERZITET U TUZLI

SENAT

Broj: 03-421-7.1/16

Tuzla, 25.01.2016. godine

Na osnovu člana 74. stav (1) tačka 17), člana 247. stav (1) tačka 2) Statuta Univerziteta u Tuzli (Drugi prečišćeni tekst), Prijedloga Umjetničko-nastavnog vijeća Akademije dramskih umjetnosti broj: 02/1-7551-2/15 od 22.12.2015. godine, te prethodnog mišljenja Vijeća Grupacije humanističkih nauka broj: 10/6-7597-2/15 od 22.12.2015. godine, Senat Univerziteta na sjednici održanoj 25.01.2016. godine, donio je

ODLUKU

o izboru kandidata u saradničko zvanje

I

Emina Goletić, viši asistent ponovo se bira u saradničko zvanje višeg asistenta (reizbor) za užu umjetničku oblast "Gluma" na Akademiji dramskih umjetnosti Univerziteta u Tuzli.

II

Imenovana se bira na period od 5 (pet) godina, a izborni period teče od 24.02.2016. godine.

Obrazloženje

Na Interni konkurs objavljen na oglasnim pločama fakulteta/Akademije i web stranici Univerziteta u Tuzli 22.09.2015. godine za izbor dva (2) saradnika u zvanje višeg asistenta za užu umjetničku oblast "Gluma", prijavila su se blagovremeno dva kandidata: Emīna Goletić, viši asistent i Irfan Kasumović, viši asistent.

Komisija za pripremanje prijedloga za izbor kandidata u saradničko zvanje, imenovana Odlukom Umjetničko-nastavnog vijeća Akademije dramskih umjetnosti broj: 02/1-5903-2/15 od 22.10.2015. godine, utvrdila je da oba prijavljena kandidata ispunjavaju uslove za izbor u umjetničko-nastavno zvanje docenta za užu umjetničku oblast "Gluma", ali uzevši u obzir kadrovsku analizu broja zaposlenika izabranih u umjetničko-nastavno zvanje na navedenoj užoj umjetničkoj oblasti u odnosu na broj sati predavanja na istoj, a u vezi sa članom 247. stav (1) alineja 2) Statuta Univerziteta u Tuzli, Komisija je predložila da se kandidati Emīna Goletić, viši asistent i Irfan Kasumović, viši asistent ponovo izaberu u saradničko zvanje višeg asistenta za užu umjetničku oblast "Gluma" na Akademiji dramskih umjetnosti Univerziteta u Tuzli.

Umjetničko-nastavno vijeće Akademije na sjednici održanoj 22.12.2015. godine usvojilo je Izvješćaj Komisije i uputilo prijedlog Senatu Univerziteta radi donošenja odluke o izboru. Senat Univerziteta, uz prethodno pozitivno mišljenje Vijeća Grupacije humanističkih nauka broj: 10/6-7597-2/15 od 22.12.2015. godine, a s obzirom da Emīna Goletić, viši asistent ispunjava uslove za ponovni izbor (reizbor) u saradničko zvanje višeg asistenta predviđene članom 79. stav (1) tačka d) Zakona o visokom obrazovanju ("Službene novine Tuzlanskog kantona" broj: 8/08, 11/09, 12/09, 13/12, 16/13, 7/14 i 8/14) i članom 243. stav (1) alineja 4. Statuta Univerziteta u Tuzli, odlučio je kao u dispozitivu ove Odluke.

Pravna pouka: Protiv ove Odluke može se podnijeti zahtjev za preispitivanje Odluke o izboru Senatu Univerziteta u roku od 15 dana od dana njenog prijema.

DOSTAVITI:

- 1x Emīna Goletić, viši asistent
- 1x Akademija dramskih umjetnosti
- 1x Ured za nastavu i studentska pitanja
- 1x Dosije
- 1x Senat

PREDSTEDNIK SENATA

Dr.sc. Enver Halilović, redovni profesor